

# Cyngor Cymuned Llanwnda

## COFNODION MEDI 2006

<b>DYDDIAD</b>	Nos Fercher, 27ain Medi, 2006
<b>AMSER</b>	7.00yh
<b>LLEOLIAD</b>	Neuadd Rhostryfan
<b>AELODAU YN BRESENNOL</b>	Huw Williams (Cad), Nerys Evans, Meurig Williams, Jason Hunt, Gwilym L. Williams, Elin Evans, Gwilym V. Thomas, Elwyn Jones, Emrys Jones
<b>HEFYD YN BRESENNOL</b>	Bethan Williams (clerc)

1. **Ymddiheuriadau**  
Cyng. Glyn Owen, Neal Williams, Hugh Jones
2. **Croeso**
3. **Datgan Buddiant**  
Dim
4. **Cadarnhau cofnodion**  
Cadarnhawyd y cofnodion o'r cyfarfod diwethaf gynhaliwyd ar nos Fercher, Gorffennaf 19eg, 2006. cJH eNE
5. **Materion i'w trafod:**
  - a. Cynllun Uwchgwyrfai - ymateb gan Carwyn Jones AC drwy law Alun Ffred Jones. Fe gafwyd llythyr hefyd gan Gymdeithas Porwyr Uwchgwyrfai yn gofyn wrth y cyngor ceisio ddwyn perswâd ar y Cynulliad i fynd ymlaen ar fyrder efo'r gwaith ffensio ar y comin. Penderfynwyd anfon llythyr i adran gynllunio'r Cynulliad gyda chopi at Alun Ffred Jones a Hywel Williams.
  - b. Cronfa Gwella Gwynedd - eglurodd y clerc ei bod yn anffodus fod y cyngor cymuned wedi methu cario 'mlaen efo'r cynllun i glirio llwybr tu cefn i Bro Gilbert oherwydd problemau perchnogaeth tir. Penderfynwyd gofyn am gyngor cyfreithiol i geisio mynd ymlaen i brynu'r tir tu cefn i Bro Gilbert a thir yr hen orsaf. Clerc i gysylltu efo twrnai - awgrymwyd Pritchard Jones yng Nghaernarfon fel cyswllt cyntaf, gan eu bod hwythau efo'r wybodaeth gefndirol ynglŷn â'r cwmni rheilffordd.
  - c. yDilys Phillips, Cyngor Gwynedd - ymateb i'n cwynion.

# Cyngor Cymuned Llanwnda

- c. Cysgodfan Penyffridd - llythyr gan R.Arwel Jones, Penyffridd yn gofyn am gael gosod cysgodfan arall. Rhoddodd y clerc wybod i'r aelodau fod pris wedi dod i law am chwalu'r gysgodfan bresennol, gan Wyn Williams, am £490. Cytunodd pawb y dylai'r gwaith fynd yn ei flaen cyn gynted â phosib. Clerc i drefnu fod cysgodfan newydd i'w archebu gan Macemain Amstad. Clerc hefyd i anfon llythyr cydnabyddiaeth at R.Arwel Jones.
- d. Llythyr yn cwyno am or-dyfiant ger Gwelfor, Rhosgadfan. Clerc wedi anfon llythyr at y Cyngor Sir. Wedi cael ymateb gan yr Adran Dai yn nodi fod ein sylwadau wedi'u pasio ymlaen i'r swyddog perthnasol.
- e. Rheilffordd Eryri - llythyr ynglŷn â'r gordyfiant ger Dolellog - nodwyd yn eu llythyr fod bwriad ganddynt wneud y gwaith ar ôl y 30ain o fis Medi, sef ar ôl y cyfnod nythu. Aelodau'n amau fod y cyfnod nythu wedi hen ddarfod, clerc i checio'r rheolau ynglŷn â hyn.
- f. Llythyr gan Gwyn Lloyd-Griffith, Ymgymrwyr yn datgan fod cwmni proffesiynol wedi archwilio'r bedd cyn y gladdedigaeth dan sylw, a bod digon o le yn y beddrod ar gyfer tri pherson.
- g. Ynglŷn â phryniant tir ychwanegol i'r fynwent - clerc i geisio cael arweiniad gan asiant tir, awgrymwyd enw Bill Hastings, Llanrug os nad ydy Charles Medforth yn gallu bod o help pellach.
- h. Cyfadran Amgylchedd - ymateb i'n cwynion
- i. Llythyr gan Jim Fitzpatrick, DTI, drwy law Hywel Williams AS ynglŷn â dyfodol swyddfeydd post. Nodwyd yn y llythyr fod y gwasanaeth post yn colli busnes yn flynyddol. Roedd yr aelodau'n teimlo mai'r rheswm eu bod yn colli busnes ydy'r ffaith fod gwasanaethau hanfodol yn cael eu symud i lefydd eraill. Clerc i anfon llythyr ar Hywel Williams.
- j. Copi o lythyr gan Robert Arwel Jones, Rhosgadfan a anfonwyd at Steffan Jones ynglŷn â chyflwr y ffordd ger fynwent Rhosgadfan. Trafodwyd y broblem gyda Steffan yn y cyfarfod cyhoeddus ar yr 20fed o Fedi - adroddodd y byddai'n ymchwilio ymhellach.

# Cyngor Cymuned Llanwnda

- k. Glanaber, Rhostryfan - llythyr gan Steffan Jones yn nodi fod bwriad i weithredu yn unol â'r hyn a gytunwyd yn y cyfarfod ar 8fed Awst (gweler adroddiad eitem 6a). Yn ychwanegol, cafwyd copi o lythyr sydd wedi'i anfon gan Steffan at denantiaid Glanaber yn gofyn wrthynt dorri'r coed yn unol â'r gofynion a drafodwyd. Clerc wedi derbyn galwad ffôn gan deulu'r tenantiaid ar 26ain o Fedi yn nodi eu bod yn cytuno i wneud y gwaith, ac y bydd yn digwydd yn ystod yr wythnosau nesaf.
- l. Prisiau ar gyfer sefydlu Safle We i Gyngor Llanwnda - cafwyd tri pris gan y cwmnïau canlynol: Delwedd, Cymru1 ac Amalgam8. Penderfynwyd gofyn wrth gwmni Amalgam8 wneud y gwaith, gyda sicrhâd y bydd cytundeb cynnal a chadw mewn grym am o leiaf dair blynedd.
- m. Archwilio offer chwarae - cysylltodd y clerc gyda chwmi Sportfix, sy'n arbenigo mewn archwilio offer chwarae plant, ac fe gafwyd pris o £150 am archwiliad blynyddol, dros y dair blynedd nesaf. Cytunwyd i ofyn wrthynt fynd ymlaen â'r gwaith.
- n. Problem gyda ysgol farchogaeth yn amharu ar y gymuned. Cafwyd sawl cwŷn ynglŷn â diffyg parch a ddangoswyd mewn un cynhebrwng mawr yng Nghefnfaes yn ystod yr haf. Cafwyd adroddiadau fod y ceffylau wedi creu anhawster mawr i nifer o yrrwyr. Clerc i ysgrifennu i Gyngor Gwynedd eto, gan geisio cael gwybodaeth ynglŷn â'r drwydded.

## 6. Derbyn Adroddiadau:

a) Gor-dyfiant yng ngardd Glanaber, Rhostryfan - cafwyd cyfarfod rhwng cynrychiolydd y tenant, GLW, Geraint Summers, clerc a swyddog priffyrdd Cyngor Gwynedd ar Awst 8fed. Cytunwyd y dylid tynnu'r coed sy'n achosi'r broblem. Cafwyd addewid gan Gyngor Gwynedd y byddant yn rhoi gwybodaeth gyflawn i'r tenant ynglŷn â'r rheolau perthnasol.

(gweler datblygiad pellach 5(l) uchod)

b) Yn dilyn problemau gyda rheolau Mynwent Cefnfaes, roedd y clerc wedi paratoi copi o reolau newydd, i gymryd i ystyriaeth awgrymiadau Bryn Hughes, ac fe benderfynwyd cynnal is-bwyllgor i drafod y mater ymhellach.

# Cyngor Cymuned Llanwnda

c) Cyfarfod cyhoeddus - 20.09.06 - mynychodd Gwyn Parri, Heddlu Gogledd Cymru a Steffan Jones, Adran Briffyrdd Cyngor Gwynedd i drafod unrhyw broblemau yn yr ardal. Roedd yn galonogol iawn gweld cymaint o bobl wedi troi allan ar noson mor ofnadwy. Trafodwyd problemau gor-yrru yn y pentref ac fe geisiodd Steffan Jones ateb cwestiynau ynglŷn â'r cwynion rydym wedi'u hanfon i'r adran. Yn anffodus, nid oedd yn bosib iddo ateb cwestiynau oedd yn berthnasol i adrannau eraill, ond mae wedi gaddo dod nôl i'n cyfarfod ymhen tri mis i roi adroddiad llawn. Cafwyd trafodaeth ynglŷn â sut i ddatblygu tir y rheilffordd yn Rhostryfan. Clerc i geisio ymholi ymhellach ynglŷn â phryniant y tir.

## 7. Is-bwyllgorau:

### 8. Materion Ariannol

Cyfri Cadw:	28,106.21
Cyfri Siec:	165.47
<b>CYFANSWM</b>	<b>28,271.68</b>

Angen trefnu is-bwyllgor cyllid, gan fod y clerc wedi gadael rhai anfonebau adref. Ymddiheurodd am y blerwch.

Holl anfonebau i'w talu yn yr is-bwyllgor:

Cyflog/costau clerc - Medi - £473.96

Cyllid y wlad - £90.64

Siôn Owen - clirio llwybrau - £200

Charli Britton - gwaith celf arwyddion - £211.50

Gwilym Ll. Williams - torri gwrychoedd - £352.50

Wyn Williams - £754.00

Shaw's - llyfr mynwent - £159.62

Derbyniadau:

Cyngor Gwynedd - praesept - £7,350.00

**Gwariwyd: £2,242.22**

**GWEDDILL: £26,029.46**

# Cyngor Cymuned Llanwnda

Erail:

Mynwent Hermon Rhosgadfan - oherwydd nad oes ganddynt fantolen gyfredol, nid ydynt mewn sefyllfa i wneud cais am arian tan fis Ionawr.

Llythyr gan Bob Kane, Llanberis yn holi am anfoneb i osod y plac ar safle Capel Tabernacl. Cafwyd anfoneb gan Wyn Williams am £90, felly fe fydd y clerc yn anfonebu Bob Kane am y swm yma.

## 9. Materion Cynllunio

CO6A/0578/24/LL - Hafoty Pen Bryn, Rhosgadfan - addasu adeilad allanol i bwrpas ymwelwyr - dim gwrthwynebiad.

CO6A/0451/24/AM - datblygiad o 24 o dai yn Dinas. Aelodau'n teimlo'n gryf fod y datblygiad yn llawer rhy fawr i'r ardal, gan y bydd yn newid cymeriad y pentref ac nad oes adnoddau yno i dderbyn datblygiad mor fawr. Rhagwelir problemau traffig gan fod safle'r fynedfa i'r datblygiad yn gul iawn. Roedd ein sylwadau blaenorol ar y safle yn nodi fod unrhyw ymgynghoriad sydd wedi'i wneud efo asiantaethau eraill yn nodi cyfanswm o 8 o dai, ac nad oes unrhyw gyfeiriad at 24 o dai mewn unrhyw un o'r ymgynghoriadau rheini. Tybiwn ei bod yn deg disgwyl ymgynghoriad gyda'r holl asiantaethau perthnasol ar y cynllun cyfredol.

Eisoes wedi'i ganiatau:

Libanus, Rhos Isaf - estyniad

Capel Saron - adeiladu toiledau

Bryn Peris, Rhos Isaf - estyniad

Ty'n y Nant, Rhostryfan - cais diwygiedig annedd a modurdy

# Cyngor Cymuned Llanwnda

## 10. Gohebiaeth:

- a) Cynulliad - adolygiad Beecham o gyflwyno Gwasanaethau Lleol
- b) Cyfadran Amgylchedd - gwerthfawrogiad cymeriad ardal gadwraeth Llanwnda - awgrymu y dylid mynd ymlaen efo'r cynllun cyn belled â bod ymgynghoriad llawn gyda pherchnogion y tai oddi fewn i'r ardal.
- c) Un Llais Cymru - cyfarfod pwyllgor ardal Arfon/Dwyfor (eisoes wedi bod 7.9.06) & cyfarfod cyffredinol blynyddol - 14.10.06 - cynigion i'w trafod
- d) Un Llais Cymru - strategaeth hyfforddiant cenedlaethol-
- e) Cyfadran Adnoddau - sesiwn hyfforddiant ar y Côt Ymddygiad - angen i'r clerc, cadeirydd a 2 aelod fynychu'r sesiwn ar Hydref 25ain yn swyddfeydd Arfon Gwynedd ar y cyd - cynlluniau newydd
- f) Cynulliad - adroddiad blynyddol y prif weinidog
- g) Gofal a Thrwsio Gwynedd - adroddiad blynyddol Cynulliad - rheoliadau drafft comisiynydd pobl hŷn Cymru
- h) Cyfadran Adnoddau - gorchymyn cau lôn yn Rhos Isaf yn ystod mis Gorffennaf/Awst
- i) Cyfadran Datblygu - llyfryn CIST Gwynedd
- j) Cyngor Chwaraeon Cymru - rhaglen gyfalaf cymunedol
- k) Awdurdod Heddlu Gogledd Cymru - cyfarfodydd grwpiau ymgynghorol
- l) Cyfadran Amgylchedd - priffyrdd - rhaglen waith
- m) Fforwm Gwledig Cymru - adnoddau ar gyfer datblygu cymunedol gwledig
- n) Cymdeithas Tai Eryri - adroddiad blynyddol
- o) Cyngor Gwynedd - datganiad o bolisi gamblo
- p) Awdurdod Tân ac Achub Gogledd Cymru - cynllun drafft lleihau risg
- q) Cyngor Iechyd Cymuned - adroddiad blynyddol
- r) Panel Dyfarnu Cymru - adroddiad blynyddol
- s) Cynulliad - cyfarfod pwyllgor rhanbarth y Gogledd - dydd Gwener, 6ed Hydref - Amlwch
- t) Cynulliad - adroddiad blynyddol y cynllun partneriaeth llywodraeth leol
- u) Cyfadran Datblygu - strategaeth ddrafft adfywio Gwynedd

# Cyngor Cymuned Llanwnda

- v) Cynulliad - ymgynghoriad ynglŷn â rhyddhad treth i fusnesau bychain a swyddfeyd post
- w) Awdurdod Heddlu Gogledd Cymru - ariannu'r heddlu i'r dyfodol - gwahoddiad i'r clerch a 2 aelod fynychu cyflwyniad ar y cynllun - 7p.m., 27.11.06 - Siambr Dafydd Orwig, Cyngor Gwynedd
- x) Un Llais Cymru/SLCC - holiadur yn ymwneud â chydweithrediad sy'n digwydd rhwng y cynghorau cymuned a'r cynghorau sir
- y) Cylchgronnau

## 11. Materion i'w trafod yn y cyfarfod nesaf

1. Soniodd EE fod agoriad swyddogol neuadd Llanwnda yn digwydd ddydd Sadwrn yma, 30ain o Fedi a bod croeso i bawb fynychu. Soniodd hefyd y byddai'n syniad i'r cyngor gyfarfod yno bob yn ail mis. Cytunodd pawb. Roedd y clerch eisoes wedi bod mewn cysylltiad â'r swyddogion i geisio cael cyfarfod mis Medi yno, ond nid oedd y neuadd yn barod.
2. Cynllun Uwchgwyrfai - awgrymodd GVT ein bod yn ysgrifennu at Asiantaeth yr Amgylchedd ym Mangor i geisio cael eu help hwy i bwysu ar y Cynulliad i gael bwrw 'mlaen efo'r gwaith ffensio. Pawb yn cytuno.
3. EIJ - awgrymu y dylem ofyn wrth y Cyngor Sir gulhau'r ffordd ger Talybont, Rhostryfan drwy greu palmant, ac felly orfodi gyrrwyr i anafu.
4. EmJ - arwydd 40 yn Ffrwd Cae Du - ddim yn derbyn ymateb swyddogion Cyngor Gwynedd ynglŷn â rheolau yn ymwneud ag arwyddion gorfodaeth

## 12. Dyddiad Cyfarfod Nesaf - 18fed Hydref - i'w gadarnhau